

Minister Alex Schwengle

Despues di hopi aña a logra traspaso di laboratorio nacional pa FSLMA

ORANEJSTAD - Ayera a tuma luga e apertura oficial di Fundacion Servicio Laboratorio Medico Aruba (FSLMA) cu antes tabata Laboratorio Nacional Aruba. Aña pasa a anuncia cu e laboratorio a wordo traspasa pa un fundacion no gubernamental, pero ta wordo subsidia pa Gobierno.

Na final di aña pasa diferente documento a wordo firma entre Gobierno y Hospital unda cu a pasa e maneho den man di Stichting Ziekenverpleging Aruba (SZA), pero pa e trahadonan di Hospital, director Ezzard Cilié, Minister Alex Schwengle ayera tabata un dia historico pa celebra. Pa hopi aña tabata busca pa

haci e traspaso di e laboratorio di gobierno pa haci esaki uno priva.

Esaki tabata tin hopi trabou y tambe tabata tin un historia basta largo. Esaki ta bin cu ora sinta oranan largo ta lesa documentonan por ripara cu tin por lo menos 20 aña, diferente gobierno y minister a purba haci e traspaso di e maneho di Laboratorio Nacional pa un maneho mas priva, por ehempel n.v. di gobierno of den un fundacion, pero di un of otro manera nunca a logra esaki. E intento prome cu esaki a yega basta cerca, pero asina mes na final el a tranca, segun Minister Schwengle.

E logro aki no ta solamente pa pais pasobra un bon siste-



ma di laboratorio ta algo esencial unda cu por confia den bon calidad di un laboratorio. Tambe ta esencial pa e clientenan por tin e garantia cu na momento e testnan wordo haci nan ta di calidad halto.

No por lubida riba trahadonan

No por lubida riba e grupo importante cu ta e trahadonan mes, e mandatario a indica. E trahadonan a wordo

neglisha pa hopi aña, pa aña a wordo tranca den nan desaroyo personal, cu no suficiente perspectiva manera e mester ta.

No mester lubida cu na hospital tin hendenan cu tin mas tanto nivel di HBO, cu ta hendenan bon studia cu merece nan atencion y nan recapitacion pa asina nan tin un perspectiva di carera. “No ta un logro di minister Schwengle, sino e ta un logro di nos tur.

E no ta un logro pa minister Schwengle, e ta un logro pa nos tur” minister Schwengle a bisa. Minister Schwengle a gradici tur esunnan cu a percura pa logra cu e traspaso di Laboratorio nacional. □